

**RESOLUCIÓN do 30 de xullo de 2025 pola que se dá publicidade do acordo do Consello de Dirección que aproba as bases reguladoras das axudas para mellorar a preparación dixital fronte a ameazas cibernéticas nas empresas galegas, programa Empresa Cibersegura 2025, e se procede á súa convocatoria para o ano 2025 en réxime de concorrencia non competitiva. IGAPE. DOG 155 (14/08/2025)**

**Obxeto**

Esta resolución ten por obxecto aprobar as bases reguladoras para a concesión de axudas destinadas a mellorar a preparación dixital fronte a ameazas cibernéticas nas empresas galegas, mediante a adopción de medidas de ciberseguridade que lles permitan reforzar a protección dos seus activos críticos, reducir o risco de incidentes e mellorar a súa capacidade de prevención, detección e resposta ante ameazas no contorno dixital. As axudas tramitaranse en réxime de concorrencia non competitiva baixo o código de procedemento IG4080.

**Persoas beneficiarias**

**Empresarios individuais e persoas xurídicas** que teñan a condición de empresa, con independencia do seu tamaño, con domicilio social ou centro de traballo onde se desenvolva a actuación subvencionada en Galicia.

**Gastos subvencionables**

Poderán ser obxecto da intervención os seguintes servizos:

**a) Diagnóstico inicial de ciberseguridade:**

Realización de auditorías técnicas orientadas á avaliación da madurez dixital e dos riscos de ciberseguridade da empresa beneficiaria, así como a elaboración dun informe técnico con recomendacións e propostas de mellora.

**b) Prestación de itinerarios técnicos en modelo de servizo (12 meses):**

- Cloudificación IaaS (*Infrastructure as a Service*): actuacións orientadas á migración segura a contornos *cloud*, incluíndo a xestión do acceso a datos, a continuidade operativa, as copias de seguridade e o control de riscos asociados.
- Securización ITaaS (*Information Technology as a Service*): implantación e operación de solucións de seguridade TIC, como sistemas de detección e resposta ante incidentes (SOC, EDR, MDR ou equivalentes), monitorización e xestión de alertas.
- Securización Otaas (*Operational Technology as a Service*): despregamento de solucións de seguridade en contornos industriais, incluíndo redes OT, sistemas SCADA ou PLC, e ferramentas de visibilidade de activos e monitorización de tráfico en tempo real.

**c) Actuacións complementarias de prestación única:**

- *Hacking* ético: test de intrusión, análise de vulnerabilidades e informes técnicos asociados.
- Concienciación e cultura en ciberseguridade: programas para a creación dunha cultura empresarial en materia de ciberseguridade e campañas de sensibilización e concienciación (incluíndo simulacións de *phishing*).

- Gobernanza e políticas de ciberseguridade: asistencia técnica na implantación ou revisión de SGSI, adaptación ao ENS ou á Directiva NIS2, e elaboración de políticas e procedementos internos.
- CISO as a Service (CISOaaS): asistencia técnica especializada para o acompañamento estratéxico continuo en materia de ciberseguridade. Inclúe a definición e execución da folla de ruta en seguridade, apoio á dirección na toma de decisións, supervisión da implantación de medidas técnicas e organizativas, cumprimento normativo e coordinación cos provedores tecnolóxicos e responsables internos.

O importe do gasto subvencionable será como **mínimo de 18.000 €**.

Os servizos subvencionables deben ser executados por **entidades proveedoras homologadas** polo IGAPE.

### Contía da axuda

A axuda será do **75% do gasto subvencionable cun máximo de 30.000 €**.

A axuda farase efectiva mediante pagamento directo polo Igape á entidade provedora unha vez validada a xustificación da actuación. A empresa beneficiaria non percibirá directamente fondos públicos nin deberá adiantar o custo total da actuación. Unicamente deberá aboarlle á entidade provedora o 25 % da base imponible máis o IVE correspondente.

### Prazos de execución

O prazo de execución dos gastos subvencionables non poderá superar o **30 de novembro de 2026**.

### Prazos de solicitude da axuda

O prazo de presentación de solicitudes de axuda para esta convocatoria comeza tras a publicación no DOG da resolución de homologación de entidades proveedoras e rematará o **día 15 de novembro de 2025**.

### Orzamento

Partida orzamentaria	Ano 2025	Ano 2026	Total
09.A1.741A.7700	350.000 €	1.150.000 €	1.500.000 €

### Minimis

As axudas financeiras que se concedan ao abeiro destas bases terán a consideración de axuda de *minimis*